

# **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

## **ՀԱՅՏԱՐԱՐՈՒԹՅՈՒՆ**

### **ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը՝** ԳԲՔԱ-ԼՕ-2021/59

**Բողոքի ներկայացման ամսաթիվը՝** 29.06.2021թ.

**Շտկված բողոքի ամսաթիվը՝** 02.07.2021թ.

**Բողոք բերող անձ՝** «Այ Քոնսթրաքշն» ՍՊԸ

**Պատվիրատու՝** ՀՀ Շիրակի մարզի Նոր Կյանքի համայնքապետարան

**Գնման ընթացակարգի ծածկագիրը՝** «ՇՄՆԿՀ-ԳՀԱՇՁԲ-21/02» գնանշման հարցում

**Գնման առարկան՝** շինարարական աշխատանքների ձեռքբերում

**Բողոքի պահանջը՝** չեղյալ հայտարարել «ՇՄՆԿՀ-ԳՀԱՇՁԲ-21/02» ծածկագրով գնման ընթացակարգի գնահատող հանձնաժողովի 24.06.2021թ.-ին կայացված որոշումը, վերականգնել «ՇՄՆԿՀ-ԳՀԱՇՁԲ-21/02» ընթացակարգին «Այ Քոնսթրաքշն» ՍՊԸ-ի մասնակցության խախտված իրավունքը՝ ճանաչելով հաղթող մասնակից:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**«ԱՅ ՔՈՆՍՏՐԱԹՇՆ» ՍԱՀՄԱՆԱՓԱԿ ՊԱՏԱՄԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ**

ՀՀ Շիրակի մարզ, ք. Արթիկ, Գր. Լուսավորիչ 2-րդ նոր, տ. 9,  
 e-mail i-construction@bk.ru  
 hbn. 077 14 24 00

N 8/2021

01-ը հունիսի 2021 թ.

ՀՀ գումների հետ կապված բողոքներ քննող անձին

Ի պատասխան Ձեր 01.07.2021 թ.-ի գրության՝ կապված /ԲՔԱ-ԼՕ/1/10747-2021 01.07.2021թ.-ի բողոքի հետ

**Բ Ո Ղ Ո Ք /Ճշտված/**

Բողոքը ներկայացրած անձի անվանումը՝ «ԱՅ ՔԵՆՍՏՐԱԹՇՆ ՍՊԸ» գրանցման համար 53.110.1144429 հասցե՝  
 ՀՀ Շիրակի մարզ ք. Արթիկ, Գր. Լուսավորիչ փ. 2-րդ նոր. տ. 9

Կազմակերպության տնօրեն՝ Էդգար Փոթոյան ( ն/ք 012157814, տրվ. 02.09.2020 թ., 028-ի կողմից)

Պատվիրատուի անվանումը՝ ՀՀ Շիրակի մարզի Նոր Կյանքի համայնքապետարան, հասցե՝ ՀՀ Շիրակի մարզ  
 գյուղ Նոր Կյանք, 4-րդ փողոց թիվ 31

Բողոքարկվող գնման ընթացակարգի ծածկագիրը՝ ՇՄՆԿՀ-ԳՀԱՇՁԲ-21/02

Բողոքարկվող գնման ընթացակարգի առարկան՝ ՀՀ Շիրակի մարզի Նոր Կյանք համայնքի ասֆալտապատ  
 փողոցների փոսային նորոգման աշխատանքներ

Բողոքը բավարարվելու դեպքում խնդրում եմ բողոքարկման վճարը հետ փոխանցել Ամերիբանկ ՓԲԸ-ի  
 1570068301190100 հաշվեհամարին

Վեճի առարկան՝ ՇՄՆԿՀ-ԳՀԱՇՁԲ-21/02 ծածկագրով գնման ընթացակարգի գնահատող հանձնաժողովի 24-ը  
 հունիսի 2021 թ.-ի կայացած և 28-ը հունիսի 2021թ.-ին տեղեկագրում հրապարակված N 2 նիստի  
 արձանագրությամբ կայացված որոշում, ըստ որի «ԱՅ ՔԵՆՍՏՐԱԹՇՆ ՍՊԸ»-ի հայտը մերժվել է  
 լիցենիայի բացակայության պատճառով:

«ԱՅ ՔՈՆՍՏՐԱԹՇՆ» ՍՊԸ-ի պահանջը՝ կասեցնել ՇՄՆԿՀ-ԳՀԱՇՁԲ-21/02 ծածկագրով գնման ընթացակարգը,  
 չեղյալ հայտարարել ՇՄՆԿՀ-ԳՀԱՇՁԲ-21/02 ծածկագրով գնման ընթացակարգի գնահատող  
 հանձնաժողովի 24-ը հունիսի 2021 թ.-ի կայացված որոշում, վերականգնել ՇՄՆԿՀ-ԳՀԱՇՁԲ-  
 21/02 ընթացակարգին «ԱՅ ՔՈՆՍՏՐԱԹՇՆ» ՍՊԸ-ի մասնակցության խախտված  
 իրավունքը՝ ճանաչելով հաղթող մասնակից:

**Բողոքի փաստացի և իրավական հիմքերը, ապացույցները.**

ՀՀ Շիրակի մարզի Նոր Կյանքի համայնքապետարանի կողմից 17.06.2021 թ.-ին տեղեկագրում հրապարակվել  
 էր «ՀՀ Շիրակի մարզի ՆՈՐ ԿՅԱՆՔԻ ՀԱՄԱՅՆՔԱՊԵՏԱՐԱՆԻ ԿԱՐԻՔՆԵՐԻ ՀԱՄԱՐ» «ՀՀ ՇԻՐԱԿԻ  
 ՄԱՐԶԻ ՆՈՐ ԿՅԱՆՔ ՀԱՄԱՅՆՔԻ ԱՍՖԱԼՏԱՊԱՏ ՓՈՂՈՑՆԵՐԻ ՓՈՍԱՅԻՆ ՆՈՐՈԳՈՒՄ»  
 ԱՇԽԱՏԱՆՔՆԵՐԻ ՁԵՌՔԵՐԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ ԳՆԱՀԱՏՄԱՆ ՀԱՐՑՄԱՆ  
 ՀՐԱՎԵՐ» գնման ընթացակարգի հրավեր, որի հայտերի բացումը սահմանված էր 24.06.2021 թ.-ին, ժ.  
 11:00-ին: «ԱՅ ՔՈՆՍՏՐԱԹՇՆ» ՍՊԸ-ի տնօրեն Էդգար Փոթոյանի կողմից սահմանված ժամկետում

ներկայացվել է գնման ընթացակարգին մասնակցության հայտ: Ներկայացված հայտը ընթացակարգի գնահատող հանձնաժողովի կողմից գնահատվել է հրավերի պահանջներին բավարարող, գրանցվել է գրանցամատյանում:

Գնահատման փուլում ներկայացված ծրարի հրավերով պահանջված փաստաթղթերի առկայությունը ևս գնահատող հանձնաժողովի կողմից գնահատվել է հրավերի պահանջներին բավարարող: («ԱՅ ՔՈՆՍԹՐԱԿՇՆ» ՍՊԸ-ի կողմից ներկայացվել են Գնումների մասին ՀՀ օրենքի 6-րդ հոդվածի 1-ին մասի, 30-րդ հոդվածի 1-ին մասի, ՀՀ կառավարության 4 մայիսի 2017 թվականի N 526-Ն որոշման 32-րդ կետի պահանջներին համապատասխան և հրավերով պահանջված «Մասնակցության դիմում հայտարարություն հավելված 1», «Գնային առաջարկ՝ հավելված 2», և կազմակերպության կողմից հաստատված՝ լրացված ծավալաթերթ-նախահաշիվ):

Բացի «ԱՅ ՔՈՆՍԹՐԱԿՇՆ» ՍՊԸ-ից, ընթացակարգին մասնակցության հայտ էր ներկայացված ևս մեկ մասնակից:

Հանձնաժողովի հայտերի բացման և գնահատման նիստի ընթացքում երկու մասնակիցների բավարար գնահատված հայտերի ներկայացումից հետո պարզ է դարձել, որ «ԱՅ ՔՈՆՍԹՐԱԿՇՆ» ՍՊԸ-ն հանդիսանում է ընտրված մասնակից, քանի որ ներկայացրել էր նվազագույն գնային առաջարկ: Նիստի ընթացքում ՍՊԸ-ի տնօրենին ներկայացվել է բանավոր պահանջ, որ անհրաժեշտ է ներկայացնել «Քաղաքաշինության բնագավառի շինարարության իրականացման լիցենզիա, տրանսպորտային ներդիրով»:

«ԱՅ ՔՈՆՍԹՐԱԿՇՆ» ՍՊԸ-ն նշվածի վերաբերյալ չի ստացել որևէ գրավոր պահանջ:

«ԱՅ ՔՈՆՍԹՐԱԿՇՆ» ՍՊԸ-ի տնօրեն է. Փողոյանի կողմից հայտերի բացման և գնահատման նիստի ընթացքում գնահատող հանձնաժողովին ներկայացվել է, որ պատվիրատուի կողմից կատարվելիք շինարարական աշխատանքները ըստ ՀՀ գործող օրենսդրության համարվում են շինարարության թույլտվություն չպահանջող աշխատանքներ, քանի որ ըստ Քաղաքաշինության մասին ՀՀ օրենքի 9-րդ հոդվածի 2-րդ պարբերության շինարարություն իրականացնողները պարտավոր են ունենալ համապատասխան գործունեության իրավունքի լիցենզիա: Նույն օրենքի 21-րդ հոդվածի համաձայն քաղաքաշինության բնագավառում լիցենզավորումն իրականացվում է «Լիցենզավորման մասին» Հայաստանի Հանրապետության օրենքով սահմանված կարգով:

Համաձայն լիցենզավորման մասին ՀՀ օրենքի լիցենզավորման ենթակա գործունեության տեսակների ցանկը սահմանող 43-րդ հոդվածի 2-րդ մասի աղյուսակի 17-րդ կետի 3-րդ ենթակետի քաղաքաշինության բնագավառում լիցենզիան տրամադրվում է շինարարության իրականացման (բացառությամբ շինարարության թույլտվություն չպահանջող աշխատանքների) համար:

Քաղաքաշինության մասին ՀՀ օրենքի 23-րդ հոդվածի 2-րդ պարբերությամբ շինարարության թույլտվությունը համայնքներում տալիս է համայնքի ղեկավարը քաղաքաշինական բնագավառի պետական կառավարման լիազորված մարմնի կողմից համակարգվող քաղաքաշինական թույլտվությունների առցանց տրամադրման համակարգի միջոցով Կառավարության սահմանած կարգով: 5-րդ պարբերությամբ սահմանում է, որ շինարարության թույլտվություն չի պահանջվում Կառավարության սահմանած ցանկում ներառված շենքերի, շինությունների ընթացիկ նորոգման, ներքին հարդարման տարածքների բարեկարգման և այլ ցածր ռիսկայնություն ունեցող աշխատանքների համար, եթե դրանք չեն խոչընդոտում անշարժ գույքի նպատակային օգտագործումը և չեն հակասում սահմանված սերվիտուտներին:

ՀՀ կառավարության «Հայաստանի Հանրապետությունում կառուցապատման նպատակով թույլտվությունների և այլ փաստաթղթերի տրամադրման կարգը հաստատելու և Հայաստանի Հանրապետության կառավարության մի շարք որոշումներ ուժը կորցրած ճանաչելու մասին» 19-ը մարտի 2015 թվականի N 596-Ն որոշման 26-րդ կետով Հայաստանի Հանրապետությունում շինարարության օբյեկտները ըստ ռիսկայնության աստիճանի դասակարգվում են հինգ կատեգորիաներով: 26-րդ կետի 1-ին երթակետն է՝ ցածր ռիսկայնության աստիճանի օբյեկտներ՝ I կատեգորիա:

Որոշման 27-րդ կետի 1-ին ենթակետը սահմանում է, որ (վերը նշված) 26-րդ կետի 1-ին ենթակետով սահմանված՝ ցածր ռիսկայնության աստիճանի (I կատեգորիայի) օբյեկտների թվին են դասվում շենքերի և շինությունների ընթացիկ նորոգման, ներքին հարդարման, ավտոմոբիլային ճանապարհների միջին նորոգման, ընթացիկ պահպանման, տարածքների բարեկարգման և այլ փոքրածավալ շինարարական աշխատանքները:

ՀՀ կառավարության 2015 թվականի մարտի 19-ի N 596-Ն որոշման հավելված 4-ով սահմանված է ցանկ, որում ներառված են օրենքով և Հայաստանի Հանրապետության կառավարության 2015 թվականի մարտի 19-ի N 596-Ն որոշման N 1 հավելվածի 26-րդ կետի 1-ին ենթակետով, 27-րդ կետի 1-ին ենթակետով և 136-րդ կետով սահմանված՝ շինարարության թույլտվություն չպահանջող ընթացիկ նորոգման, միջին նորոգման, ընթացիկ պահպանման, ներքին հարդարման, բարեկարգման և այլ շինարարական աշխատանքները:



Ըստ 7-րդ կետի 11-րդ ենթակետի ԺԴ) պարբերության շինարարության թույլտվություն չպահանջող աշխատանքներ են համարվում ավտոմոբիլային ճանապարհների, համայնքների փողոցներ ծածկի վերին շերտի մաշված և քայքայված հատվածների վերականգնում, անհրաժեշտության դեպքում նորոգվող հատվածի փոսային նորոգում, ֆրեզում, հարթեցնող շերտի տեղադրում, առանձին հատվածների պատվածքի քայքայված տեղամասերի փոխարինում՝ նորոգվող ճանապարհահատվածի մակերեսի ոչ ավելի, քան 3 % -ի չափով:

Հետևաբար լիցենզիայի ներկայացման պահանջը անհիմն է:

28-ը հունիսի 2021թ.-ին տեղեկագրում հրապարակված N 2 նիստի արձանագրությունից տեղեկացել ենք, որ գնահատող հանձնաժողովը առանց հաշվի առնելու ներկայացված փաստերը, խախտելով ՀՀ կառավարության 4 մայիսի 2017 թվականի N 526-Ն որոշման 59-րդ կետի 1-ին ենթակետի պահանջները, կայացրել է ՀՀ գործող օրենսդրությանը հակասող որոշում և որոշել է «ԱՅ ՔՈՆՍԹՐԱԶՇՆ» ՍՊԸ-ի կողմից ներկայացված հայտը մերժվել է լիցենզիայի բացակայության պատճառով և կամայականորեն հաղթող է ճանաչվել «Ճանշին» ՓԲԸ-ն:

Վերը թվարկվածը հաշվի առնելով՝ գտնում ենք, որ պատվիրատուի կողմից խախտվել է Գնումների մասին ՀՀ օրենքի 3-րդ և 7-րդ հոդվածների պահանջները, ինչը խախտել է «ԱՅ ՔՈՆՍԹՐԱԶՇՆ» ՍՊԸ-ի օրենական իրավունքները:

Նաղրում ենք կասեցնել ՇՄԿՀ-ԳՀԱՇԶԲ-21/02 ծածկագրով գնման ընթացակարգը, չեղյալ հայտարարել ՇՄԿՀ-ԳՀԱՇԶԲ-21/02 ծածկագրով գնման ընթացակարգի գնահատող հանձնաժողովի 24-ը հունիսի 2021 թ.-ի կայացված որոշում, վերականգնել ՇՄԿՀ-ԳՀԱՇԶԲ-21/02 ընթացակարգին «ԱՅ ՔՈՆՍԹՐԱԶՇՆ» ՍՊԸ-ի մասնակցության խախտված իրավունքը՝ ճանաչելով հաղթող մասնակից:

ԱՅ ՔՈՆՍԹՐԱԶՇՆ ՍՊԸ-ի տնօրեն՝



Է. Փոթոյան